

TESALONIKADEENŃ TAKADA PLAADĒE

Yakpaekena Kirisi mógurɔɔ zĩ

¹ Mamɔma Pɔlu kɔn Silasio kɔn Timɔtio, wámbe wa takada kèkii kè Tesalonika sɔsi gbě kè aɔɔ kú Luda wa De kɔn Dii Yesu Kirisio guunɔne. ² De Luda kɔn Dii Yesu Kirisio gběkeε keare, à a gba aafia.

³ Wa gběno, à kɔ sio wàgɔ Luda sáabu kpaa a yā musu gurɔ píngi, lán à maa nà, zaake a ludanaanekena e gaa ae maamaa, bensɔ yenzi kè a baade vī kɔo e kaara. ⁴ Beee yānzi weè lé gbě a yā musu Luda sɔsi kɔn sɔsio guu, lán ée wéetamma kɔn nawēa píngio fɔɔ nà kɔn menao kɔn ludanaanekena. ⁵ Beee ɔɔba kè Luda è yā gɔgɔ kɔn gběno a zéame. Beee yānzi a ka à gē kpata kè bò Luda kiia guu kè ée nawēa keε à yānzi. ⁶ Luda è yā ke a zéame. Eé wée tā gbě kè aɔɔe wée tāaawaano, ⁷ eé amɔa kè wée wée tāaawaano gba ĩampakii kɔn wapino, tó Dii Yesu bò ludambe kɔn a malaika gbáano ⁸ kɔn tévurao. Eé wée tā ludadōrisai kè aɔɔe wa Dii Yesu baaru nnaa síroono. ⁹ Kaatena yāana sain Luda é wée tāomma. Weé n kpake Dii aezĩ kɔn à gbāa gakuideeo. ¹⁰ Tó à mò gurɔɔ pì zĩ, eé tó bo a gběno yā musu, gbaso à náanekeri pino é à maa bo n píngi. Égɔ kú n té, zaake a yā kè wá òaree sì.

¹¹ Beee yānzin weègɔ adua keεare kɔsɔkɔsɔzi, le wa Luda tó a kuuna ká gwena kè à a sisia, à yā maaa kè a ze kɔn à kenaono kɔn zĩ kè ée keε

à náanekena guunŏ pínɡi papaare kŏn a gbāaaŏ.
 12 Dii Yesu é tŏ bŏ a musu, apinŏ sŏ é tŏ bŏ à musu
 wa Luda kŏn Dii Yesu Kirisi pìŏ gbēke yānzi.

2

Ludayādarisai

1 Wa gbēnŏ, Yesu Kirisi mŏna kŏn wa kakŏanaŏ le
 wà daàle yā musu, wa wée kèawa, 2 àton tŏ a làakari
 fεε aagarŏ. Tŏ annabi yā ke waazi ke takada kè
 wà bè à bŏ wa kiia bè, Dii móɡurŏ kà kŏ, àton bídi
 kero. 3 Àton tŏ gbēke a sāsā kŏn yā beee takaoro,
 zaake gurŏ beee é móro, séto gbēnŏ bŏna Luda kpεε
 gurŏ kà gīa kŏn ludayādarisai kè m̀ pè kaatezea
 bŏna gupuraaŏ. 4 Eé gí pŏ kè wè ní die dii ũunŏzi
 kŏn pŏ kè wè dŏnzi keínenŏ pínɡi, eé a zīnda sé lezī
 deńla, eé gá à vεε Luda kpén, à a zīnda die Luda ũ
 se. 5 Gurŏ kè má kúao ma yā pì òare. Ée dŏnloo? 6 Á
 dŏ pŏ kè èe à dādāa, le àton bŏ a gurŏ āroŏ? 7 Zaake
 ludayādasai e ŏ taa asii guu kŏ. Eé bŏro, séto gbē
 kè èe kpaane gù zén baasiro, 8 ludayādarisai pì é
 gbasa à bŏ sa. Dii Yesu é à de kŏn a lé'iao, à à kaate
 kŏn a mŏna gakuio. 9 Ludayādarisai pì é mó kŏn
 Setān gbāaaŏ à dabuyānŏ kŏn yābŏnsaenŏ ke kŏn
 sèeda εge bori pínɡio. 10 Eé mŏnafiki bori pínɡi ke
 gbē kè aŏ m̀ pè kaatezeanŏne, kè aŏ gí yāpuraa kè
 eé ní m̀ sízi yānzi. 11 Beee yānzi Luda é likŏa pāsī
 zīńma le aŏ εgeε náane ke. 12 Yā é gbasa à vεε gbē kè
 aŏe yāpura síroo kè aŏe pŏnnaa ke kŏn à zaaanŏa
 ní pínɡi.

Luda a se le à a m̀ sí

13 Wa gbē Dii yenzideenŏ, à maa wàgŏ Luda sáabu
 kpaa gurŏ pínɡi a yā musu, zaake Luda a se zaa

káaku, le à bɔ kɔ̄n à Ninii kè tò wa gɔ̄ a pɔ̄ ũ gbãaa a yãpura sina yãnzɪ. ¹⁴Luda a sisi à a sɛ baaru nnaa kè wá kpàare yãnzɪ, le a baka gɔ̄ kú wa Dii Yesu Kirisi gakui guu. ¹⁵Bee yãnzɪ wa gbɛ̄nɔ̄, à zɛ gbãa, àgɔ̄ yã kè wá dàare kɔ̄n léo ke takada guu kúna. ¹⁶Wa Dii Yesu Kirisi kɔ̄n Luda wa Deo yewazi, à gbɛ̄kɛɛ guu à wa làakari kpàɛwe ai gurɔ̄ píngi, à tãmaa maaa dàwagu. ¹⁷À a làakari kpàɛare, à a gba gbãaa yãmaakɛna kɔ̄n yãmaa'onao guu píngi.

3

À adua kɛwe

¹Yã kè gɔ̄n yè, wa gbɛ̄nɔ̄, à adua kɛwe, le Dii yã e à dagula kpakpaa, àgɔ̄ bèɛ vī́nɛ lán à vī a kiia nà. ²À adua kɛwe, le à wa bɔ gbɛ̄ zaa mìsaideenɔ̄ ɔ̄zī, zaakɛ èɛ ke gbɛ̄ sãnda píngi bé à Luda yã sìro. ³Dii náane vī, eé a gba gbãaa, eé a sí à zaaaa. ⁴Wa a náane kè Dii guu kè ée yã kè wá òareenɔ̄ kɛɛ, bensɔ̄ égɔ̄ kɛɛ. ⁵Dii tó à Luda yenzi kɔ̄n Kirisi mɛnao gbáze dɔ̄ a swɛ̄n.

Wàton mɛa kɛro

⁶Wa gbɛ̄nɔ̄, wa naare Dii Yesu Kirisizi, à kɛ wa gbɛ̄ kè aɔ̄ mɛa vī́nɔ̄a, kè aɔ̄è zīi ke kɔ̄n yã kè wá dàánɛoroonɔ̄. ⁷Á dɔ̄ a zīndane, kè à maa àgɔ̄ té wa zékpaezi, zaakɛ wée mɛa ke gurɔ̄ kè wá kú a téro. ⁸Wée gbɛ̄ke póblee sí wá blè fiabona sairo, wa zīi kè gwãavī kɔ̄n fãantɛo, wa nawɛa kè ai í sìwa, le wàton gɔ̄ a gbɛ̄kenɛ asoo úro yãnzɪ. ⁹Wá à zé vī à dɔ̄wale, mɔ̄de wá kè le, le à wa zékpae sé yãnzime. ¹⁰Gurɔ̄ kè wá kúao, wá diɛ kè gbɛ̄ kè ye zīkɛnaziroo é pɔ̄ blero. ¹¹Wá mà kè a gbɛ̄kenɔ̄ mɛa vī, aɔ̄è póke

kobiro, sé gudεε. ¹² Wá dìε gbě beee takanɔne, wa nańne Dii Yesu Kirisizi, aɔ v̄εeki kũ wà zĩi ke wà ń zĩnda gwao.

¹³ Apinɔ s̄ɔ wa gb̄enɔ, àton kpasa k̄ɔn yāmaakenaoro. ¹⁴ Tó gb̄εkee e yā kè wá òare takada kè guu daro, à à yā bo à diε. Àton kakɔa k̄ɔn adeeoro, lε wí e à à kũ yānzi. ¹⁵ Mɔde àton íbete kpáoro, à lé daa a gb̄endoo ũ.

¹⁶ Dii Aafiade a gba aafia gurɔ p̄ingi yā p̄ingi guu. Dii ḡɔ kúao a p̄ingi. ¹⁷ Mamɔma Pɔlu mámbe ma ìkpamma kèkii kè k̄ɔn ma zĩnda ɔɔo. Beeen ma takada p̄ingi sèeda ũ, len mεè k̄ε lε. ¹⁸ Wa Dii Yesu Kirisi gb̄εkεε kεare a p̄ingi.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5